

استبصار

۱۱ تشرین اول ۱۳۲۴

جمعه ابرنی

نومرو ۶

امهال مجرمیندن مابعد :

بالشرط محكوميتك تأثيراتى

امهالك فاصله انتظاردہ حاصل ايلديكى تأثيرات برى مجازات اصلیدہ دیکری مجازات فرعیہ اولوق اوزره ایکی جهندن تبع اولنه بیلور . محاکم وجوه معتبره ايله محکوم علیک مجازات اصلیه سنی تأجیل وامهال ایلدکری صورتده محبوسیت ومجازات نقدیه به عائد اولان قرارلر بالضرور تعویق ایلدش اولور . مظنون علیه موقوف ایسه مدعی عمومیلکجه تخلیه سبیلنه چالیشیلور . مجازات نقدیه نك حکماً وجبراً تحصیلی حقنده عادیاً تطبیق اولنان وسائط اجراییه دن صرف نظر اولنور . مع هذا حکم امهال مدعی عمومینك حقنی اسقاط ایلیمه جکنه ومظنون علیک دیگر طرفدن اصل حکمی قبول ایتیرهك ایشك استینافاً رؤیتنی طلبه حق اوله جفته بناءً محکمه نك قراری علیهنده بر طرفدن استیناف دعوايه ایتدار اولنور ایسه امهاله متعلق قرار حکم استینافینك صدورینه دکین تأخر ایدلک مقتضیات اصلیه قانونیه دندر ، چونکه امهال دخی بر حکمدر . حکم مستأنف قضیه محکمه تشکیل ایتدکدن صکره یعنی حکم واقعہ اعتراضاً تمیز اولنیه رق یاخود محکمه تمیزجه تصدیق اولنهرق فسخ ونقضنه امکان قالمقدن صکره محکمه جه ویرلمش اولان حکم وقرار تعویق وامهال ، قطعیت کسب ایلدش اولور .

مجازات فرعیه به کئجه : بونوع مجازات بعضاً دعواى جزاینك لوازم ضروریه سندن محکومیت جزائییه نك تمامتدندر ضرور زیان واعاده اموال کی تضمینات شخصیه ، مصارف محاکمه بونلر دعوانك لوازم ضروریه سندندر . حکم اصلی امهال ایدلسه بئله محکوم علیه مصارف محاکمه وتضمینات شخصیه بی ادایه مجبوردر . محکومیت جزائییه نك تمامتدن اوله رق حبسله برابر جزای نقدی حکمی لازم کک کی احوالده محکمه مجازات مذکوره نك ایکسینک یاخود برینک امهاله قرار ویردیکنی قرار محکمنده تصریح ایلدنی لازمدر .

۱ - استمهال اولنان محکوم علیه مدت انتظارده نه قدر اثارصلاح کوسترمش

اولور ایسه اوقدر قازانور . اوافق بر خطا ، اوفق بر قصور ، قوه عدلیه نك كندوسنه کوسترمش اولدینی اعمادی همان ازاله ایدر . فرض ایدملکه امل خالصمز دائره سنده محکوم علیه تعفف ایلدی . محکومیت واقعهدن مقننه اولدی ، هیئت اجتماعیه نك انتظار ایلدیکی نفع عمیم حاصل اولدی . اولوقت واجب اولان حکم سابقی اصلاً وارد اولماش منزله سنه کتورمك ، محکوم علیه ذمقی برائت عامه ایله ابرا ایلمکدر . مثلاً بعض حقوق ساقطه ، حق انتظاردن حقوق بلدیهدن سقوط کبی مجازات فرعیه وار ایسه بونلر اعاده ایدملک کر کدر .

مظنون علیهک بعدالمحکومیه صلاح حالی ایچون انتظار اولنه حق مدت فرانسه ده بش سنه یه حصر اولمشدر . فقط انکلترده محکمه نك اجتماعیه برافیه رق محکومك احوال سابقه سنه نظراً مدت مناسبه قیدیه تقیید اولنه یلمشدر ، استمهال اولنان کسه مدت انتظارده ، ارزو اولدینی مرتبه اثار صلاح کوسترمیوب برجرم دیگره متجاسر اولور ایسه حکم سابق تطبیق اولنمق لازمکلور . بوبنده ایکی صورت ملاحظه اولور . بری مظنون علیه جرم سابقندن طولانی حکم لاحق آروجه وحکم اخیری آروجه چکدرمك ، دیگرکی اجتماع جرائم نظریه سنه توفیقاً توحید مجازاته اشدینی ترتیب ایلمکدر . حقوق جزاییه جه ایکنجینی اسلم وارچکدر .

قوانین عثمانیه کوره امهال اصولنک مقایسه سی

قوانینی تعدیله مأمور اولان هیئت ، امهال مجرمین قاعده سنک محسناتی نظر مطالعه یه الهرق برتدیر ، برلایحه قلمه المق ایجاب ایدملک اولور ایسه قوانین عثمانیه کوره حکمی بوجه آتیدر : امهال وتعویق اصولنک فوائده انکلترده ، بلجیقاده اقتطاف اولمشدر . بواسوله وقوعبولان باشلیجه اعتراض مظنون علیهک امهال وتعویق حکملری سو، عبرتله برابر سائرلرینه سو، تأثیری منتجع اولمسی ، وکندولرینی نوعاً تشویق وترغیبه سببیت ویرمسی قضیه لریدر . کرچه برنجی جرمندن امهال اولسان شخص ، خلقه فنا یرادلش بر آدم ایسه

امهال بوبابده مشوق و محرك اولمقدن خالى قالمز . فقط بر استثنائك ، بر قاعده يه مخالف واقعئك بتون بتون اساسى خير بالامسى عقلاً قبول اولنور شيلردن اولمديغندن بوبابده تطبيقى ، اجرا اتى بزردن اقدام اولان اقوام متمدنهك استحصال ايلديكي نتيجه دقت ايدرك اكا كوره اتخاذ حركت وجيبدن اولور . از باب جرائم كرك مضطر آكر ك متعمداً ايضاً ايلمش اولسونلر . شوراسى محققدر كه غيض و خصومت ، انتقام وتغند جرمك عقب جنايتنده زائل اولور . انك يرينه ، مجازات قورقورلى ، ندامت اثرلى باش كوستير . بوندامت ، بو قورقو ، احساب جرائمده اويله بر عجيب تأمل و دوشنمه حصوله كتيير كه بو دوشنمدهن استفاده ايليوب مضمون عليك تهذيب اخلاقى اسبابنه چالشمق لك برنجى وظيفه در .

ايسته بوندامت ، بوشنجه ، اصلاح مجرمين حقندهكى تبعاتمرك لك مهم قسمتى تشكيل ايدر . اسباب مجازات بر جرمك ايشلنمسيدر . ايشلنن جرمه جزا تعيين اولمقله خلقك ، بر شهر خلقك ، بر قريه خلقك حتى بر محله خلقك اعاده سكون و اسايشى و مسلوب اولان امنيت و حضورى اعاده اولنور . بواعاده اسايش و سكونده جرمك ، محكومك اصلاح حالته خدمت ارزولريده كوزه ديلير نتمك اصلاحخانه لردن طوتكده ، بتون دارالصناعه لره حبسخانه لردهكى اعمالخانه لره قدر كافه مؤسسات بو مقصده بناء تاسيس اولنمشدر . مادامكه محكوم عليهده وقوعانندن بر نشانه ندامت بوليورز بونك تيمه سنه ، تكملنه چالشمليز .

قابل احيا بر اماره بولندقدن صكره امهال ، انواع جرائمدن قغيلىرى حقنده لابدو قغيلىرى حقنده غير وارد و اولدينى مسئله مشكه سنك حلنه رجوع ايدهلمز :

جرائمك اعظمى اعدام حكمنى دعوت ايدن جرائمدر . اعدام جزاسنى استلزام ايليان جرائم ماهيتى ، صورت اجراسى اعتباريله اقبیح جناياتدن اولديغندن فاعلك نه امهاله نه استمهاله حتى اوله بيلور . بر شخص كه برينك قاتلى ايجمك فضاحتنه قصد ايدرك آنك ازهاق روحنه قدر ايلرو كيديور ، آنك جزاسى بالقصاص اعدامدر . مستحقديه اودر . استلياده بوكا مقابل بر «ره كولوس» زندان

جزاسی تصویب اولمیشده مخفی، و مجازآده امانته عبرت مؤثره اولمق قضیه سنده کی نقصانی تأمیناتی سببیه اعدام اصولنه ترجیحی قطعاً ترویج اولنه من. بنابرین قاتل، اعدام اولنور. صلب اولنور. جزاسی بودر و مستحقیده اودر

اعدام جزاسندن صکره مؤید کورک و قلمه بندلک، موقت کورک و قلمه بندلک جزایری کلورکه تصمیعانه مستنداً و متعمداً ایقاع اولنان شایعک درجه ثانیه ده جزایریدر. بونلرک دخی محله مصروفاً ترتیب ایدلکری جمله جه معلوم اولدیغندن متجاسرلرینک امهالی یاخود تعویق حکمی جاز اوله من.

تبعاًتزده حبس، جزای نقدی محکومیتلری اک مهم اساس اوله جقدرد. حبس یا اسباب تخفیفیه قانونیه اوزرینه تبدیل ایدلمش بر جزادر یاخود اصل مجازآدر. حبس تخفیفاً حکم اولمیشسه فعل واقعک ماهیتنه عطف نظر ایدرک اگر قانون جزای عثمانینک ۱۹۹نجی ماده سنده اولدیفی وجهله قتلدن معذوریت جزاسی ایسه اصل فعل قتل اولدیغندن، فرانسه قانونی خلافتنه اوله رق قاتل معذرک امهالی جاز اولماق کرکدر. اورته ده بر قتل موجود اولدقدن صکره ولو ندامتی بدیدار اولسون فاعل جرمک امهالسدن مقتولک ورثه سنه . روابط اجتماعیه فائده دن زیاده مصیبت لاحق اوله جفندن امهال قاعده می بوراده دخی تطبیق اولنه من.

جارج معذور، ضارب معذور، کبی علی العاده حبسی مستلزم افعاله کلنجه جارج دائماً قتل تشبیه، جنایت فاعلی اولمق شبهه می تحتنده در. بوکی ارباب جرائمک كذلك امهالی یا تعویق حکمی مصلحت عامه به مغایردر بونلردن ماعدا حبس و جزای نقدی مستلزم اولان جرائم عادیه نک تعویق حکملری تفصیلات سابقه دأره سنده جاری اولمق لازم کلور. حبس بعضاً امور تجاریه ده، تقصیراتی افلاسلده دخی حکم اولنور. عجباً بو حبسک حدودی، تأثراتی نه در؟

حبس، تقصیراتی افلاسلرده، تجارت عمومی مملکتی محافظه و امثالی اسرافاندن وقایه ضمنتده اولدیغندن طولانی بونلرک سائر محبوسین حکملری مثللو امهالی صحیح اولسه، حیات مملکت اولان تجارت عمومی نک، وبالذات حکومتک انبیا یک درلو

مصابه دوچار اولسنى موجب اوله جنى اشكاردر. شو حالده نظريات عموميه مزده افلاسه متعلق حكم محبوسيتك خارج از حساب طو تلمسى ضرورت حكمنده در. دين ايجون حبس، دايك حقيدر، محبوسينه اختلاط، سكانك عاداتيله امتزاج مضرى واردر. لكن بومضرت محبوسى ايروجه بر جرده اليقومق، سائر ليله اختلاط ايتير مامك صورتيله تهويى ممكن اولور. بناء عليه دين ايجون حكم اولنه جق محبوسيت، دايك مديونى تضيق ايلمك حقه مربوط بولنديغدن محكمه جه امهاله كيدمك، شوو بو يولده تدبيرلره مراجعت ايتك واهى وعشدر.

مصارف محاكمه، تضمينات شخصيه، مجازات نقيديه دن بدل اوله رق حكم اولنان واعلامات جزائيه نك حقوق شخصيه جهنتك انفاذينه متعلق نظامنامه ده مقيد بولنان حبس، بلامتحقيق اقتدار حكم اولنه جق طقسان بر كون حبس جزاسيده امهاله مساعد دكلدر.

قانون جزائك قرقچى ماده سى ايجانجه: اون التى ياشندن اشاغى اولان صبيانه حكم اولنان حبسلر اصلاح حال ضمننده حكم اولنديغدن كذلك قواعد امهاليه داره سنده بولنه مز چونكه: حكم واقع صيينك اصلاح حالى ايجون مدت مناسبه آليقونلمقدن عبارتدر. اگر امهال جائز اولسه مقتضيات قانونيه دن اولان صيينك تهذيب اخلاق ماده سى كسب عسرت ايلمش اولور.

محاكم اداره دن صادر حكملردن بعضيسى حقوق شخصيه ايله مجازات قانونيه يى جامع اولنديغدن بو حكملر جناياته متعلق اولمبوب حبسه، تضمينات دائر ايسه امهال صحيح اولور. مجازات قانونيه سى اكثر يا جزاى نقيدن عبارت اولان رسوماته، ديون عموميه به جرائم صيديه به اورمانلره متعلق جرائم عاديه نظريات جزائيه جه دائره تبعه مزده در. يالكز بولرك امهاليه واردات دولته سكته ايراث ايلمش اولورز دنيله رك اعتراض اولنور ايسه بو بابت تدبير مستحسن اتخاذى مشكل دكلدر ديرز. مثلا جزاى نقيدلرى تكرر جرمده ايكي قات البرز، مظنون عليه مجازات ماليه نك شدندن محترز قالير ايسه برى طرفده رسوماته، ديون عموميه به بالخاصه اورمانلره متعلق جرائم تناقص ايدرك امور رسوميه، ديون عموميه ايله

اورمانه وصيده عائد معاملات محورلايقنده جريان ايتمكه استفاده ايلرز .
ديوان حربلردن صادر اولان حبس حكملرى حقنده ، اولجه سردايدليكمز
مطالعائى درميان ايلييه بيليرز . ديوان حرب حكملرى ، انضباط عسكرى مقتضاسنجيه
لايتغير وقطعى الحكمدر . انك حكمنى ؛ تأجيل وامهالده ، فائده دن زياده مضرت
موجوددر .

محكمه لردن حكم اولنان مجازات انتباهيه و شرائط تميزيه جمله سندن اولوب
عندالتصديق ضبطى لازمكلان ده پوزيتو و مشتكينك حقسز چيقمسى اوزربنه
النان مجازات نقديه حكملرى دائره سنده استيفاولنلرى مقتضى اولدينى جهته تعويق
وامهال اصولنه تابع اوله مز .

بعض محاكم حقوقيه ده ، محاكمه انساننده و محافظه انضباط ايچون ، مثلاً
كورلى ، اوامر عدم اطاعت سبيله تحت قراره النان قباحث درجه سنده كي حبس
جزالرى ، علانيت محاكمه نى اداره ، و محاكمه نك جرياتى تأمين اوغرنده حكم
اولنه جفندن اشبو محبوسيتلر كذلك خارج از حساب اولقى لازمدر .

عبدالخالق مدحت

بوغازلر مسئلهسى

چناق قلعه و قره دكر بوغازلى مسئله شرقينك بر فرع مهميدر . دولت
عليه اشبو بوغازلر ك بتون سواحلنه مالك و قره دكر بوغازينك طارلى شايان دقت
اولمقله برابر و قتيله اولدينى كى اليوم بشون سواحللى حكومت عثمانيه عايدبولميان
بحر سياهك قبلى دكرلر زمهره سنه ادخال ايديله ميه جيكي اشكاردر خصوصاً كه
طونه نهرينك منصبى تشكيل ايدن بحر مذكورك سدى نهر مذكورك سواحلنه
مالك اولان آوستريا ، مجارستان ، صربستان و رومانيا نك بحر سفيد ايله ك طبيعى
بر وسطه اختلاط و مناقله دن محروميتلر نى استلزام ايلر . ۱۷۲۹ تاريخنده عقد
اولنان بلغراد معاهده سى موجبجه روسيه نك بحر سياهده قزاقمش اولدينى سواحل